

白雲齋選訂樂府吳騷合編

吳騷合編序

事詞之宗言律非無律如律不
及唐也唐言選非之選也選
不及晉親也漢無騷也言騷如
騷不及屈宗也言騷而屈字及不
可謂騷則騷之辭遠矣猶存而

騷之脉之京以爲其絕也久矣惟
此書絕也神而明之漢之續騷于
楚何必不在選而唐之續騷于騷
抑又何名不在律而則選占律
一騷也詞者律與選之餘也此
者詞之變也以勝國之曲雖亦

初世推宋初元曲良非虛語曲可
續騷五經曰不然漢子紀元撰
曲者百八十七人其置品題者八十有
二人董解元而下凡百五人品題弗
着而虞道園張伯雨楊鐵崖輩
甚至不為與嚴矣繼得馬公嚴

之也不嚴而足以存曲之不嚴而足
以存體也嘆乎三百篇之亡而後有
騷之錄三百篇之亡也三百篇不
可亡騷亦不可亡也安可而棄而棄也
之不嚴且何賦文之乎歷代而為我
朝寶者有之集而勝傳而為之

一種也。者罕其傳事。者恒不
有其集。間出一二。所編類。寄作
人賤工。妻若。教見。口。學。士。方。方。缺
焉。寓。司。工。者。以。散。佚。而。未。必。見。者
或。僅。觴。而。未。必。工。詎。先。王。之。風。遠。矣
也。而。維。繫。者。一。炯。也。然。則。書。風。以。是

于樂府爲良史而于三百篇爲功
僅居士號騷隱表其素尚焉其
騷之集所爲騷而編而再而續
而於茲又合而一編也是編也則
翻白雪拍板紅兒譜合九宮音譜
六律紀韻雖難必點越格格巧

亦刪故舊油腔陶汰都來強起
三閩而稽頌入寧編宗元諸公
即昭明不輯選老杜不裁律
可笑

丁丑仲春

荅烟上人許當世題

吳騷合編小序

曲之爲義也緣於心曲之微蕩
漾盤折而幽情躍然故其言語
文章別是一色從來稱擅場者
引商刻羽斌媚天成每好句入
人夢思咀之愈多味之不盡旨

哉其爲曲也然而曲有遇焉作
家者流昔以長言單辭舒一時
怨懣幸而後來人士起焉玄賞
詠其曲恍見其人都雅雍容盈
諸口角悠揚款乃應於肺附作
者謂者後先稱兩相知詎非曲

之遇歟爾乃遊腔襍拍信口酬
闌嗟笑涵場句讀割裂則曲之
窮于唱也晚近淺俗見聞側陋
且以香奩湮沒之詞目爲新裁
以詞場手授之曲謬曰附會則
曲之窮於觀也甚至終日爭作

者誰行而於曲學爲指月或僞
據他人之剩唾而於譜法爲操
戈則曲之窮于傳也若夫檀口
空餘藥欄寂寞行雲夜冷珠串
無聲則曲之窮於景也至使梨
棗濫觴傳訛附影塵蒙本色閉

齋新詞則曲之窮于選也責在
我輩矣是集也余始博收之今
仲弟旭初嚴覈之惟其詞弗計
其人課其法斯收其曲非他刻
汜汜比也丙子冬杪余病臥無
聊因手拈新本閱之快然破悶

而師齡姪知音以授諸梓越二
月梓成余喜書其端因撫卷曰
此於曲苑可謂無遺憾矣

崇禎丁丑春仲騷隱居士楚叔
父題於小墨墨居

跋

客歲浪走清漳時維春暮江臯鼓棹歷水
陸之程者凡三千里途中花鳥牽情溪山
惹恨旅懷幽思勃不自禁惟以所携舊選
詞餘一編醉吟狂抹坐銷鞭塵帆影之苦
歸途潦倒喜荔香兩袖明月一航俱堪作
吟囊詞料值秋期落魄興味索然無復得

句繼而病病且憊時更於枕上把瑇前編
每讀傷心之語則沉沉刻骨讀快心之語
則躍躍色喜呻唵痛楚稍或藉以忘去予
伯兄騷隱生視予偶見茲帙因而謂予曰
大凡情之鬱而不伸者則隱伏而爲祟故
昔人書空擊劒痛飲歌騷寄情於筆墨之
中寓言於花月之際無非銷此壘塊余向

日吳騷之刻端以此意夫曲雖末技精心
研弄亦能破愁却病則刪訂一役不特爲
詞壇良史韻府功臣卽以當時後青囊奚
不可之有況以律調精嚴宮商得所俱堪
爲後人藥石而采風正樂與凡扶衰起敝
之苦心亦庶幾乎近之否則紙上精神淹
沒不傳其不從而爲祟者幾何宜亟付諸

梓予因而扶病訂定斟酌再三以成是刻
倘有謂其憑臆去取則中州音韻九宮詞
譜諸書俱堪廢置而選者亦奚任其咎是
爲跋

丁丑花朝半嶺道人旭初氏漫題

序吳騷初集

夫世間一切色相。儔有能離情者乎。顧情一耳。
正用之爲忠憤。爲激烈。爲幽宛。而抑之爲憂思。
爲不平。爲枯稿。憔悴。至於纒纒一腔。難以自己。
遂暢之爲詩歌。爲騷賦。而風雅與三閭諸篇。並
重於世。昔史遷之傳三閭也。悲其值而大其志。
謂足以兼國風小雅。而班固氏亦美之曰。弘博
麗雅。爲詞賦宗。此皆窺見平情而深乎其味者。

然情寧獨平哉。佳人幽客好事多磨。繾綣縈懷。
撫時觸景。聯牀同調。兩地吊天。我輩鍾情。豈同
稿木。故竅發於靈。而響呈其籟。代不乏矣。漢以
歌。唐以詩。宋以詞。迨勝國而宣於曲。迄今盛焉。
總之以風雅爲宗。而憤激幽情。錦心慧口。相伯
仲也。南國謳吟。不減江皐。諷咏三吳。丰韻類延。
晉代風流。詞本於騷。而地別于楚。故因弁其騷。
日吳嗟嗟。今樂府濫觴極矣。自有茲帙也。洛陽

紙貴。收盡陽春。冰玉蛟螭刻成天巧。豈非造物
之情至此。而一暢耶。世不乏有情人。而知吳騷
之足尚也。昔

萬曆甲寅秋日。清懶居士書於尚白齋中。

序吳騷二集

蓋自楚三閭大夫以騷著。而楊子雲氏。于是乃
爲作反騷。嗟乎。騷可廣卽廣矣。可更廣反。以爲
也。反反騷所爲作也。何也。夫人莫情。真情莫怨。

真而離騷其言哀其志切其托諷遠怨矣哉所
云情之所鍾政在我輩三閭大夫其人也大夫
其有情癡也哉太史公謂其作離騷蓋從怨生
也有味其言之也雖然大夫騷于楚楚有騷我
吳亦有騷也吳騷廣楚騷者也曩初集行已紙
貴洛陽海內復渴想次集遂復輯次集以廣初
集夫兩集皆曲也曷爲而騷之日體異而情同
也情曷爲而同其摘詞不必盡怨矣他弗具論

間○且○歡○日○繇○怨○而○歡○歡○復○致○怨○者○人○間○世○聚○散○
之○常○也○總○之○怨○其○情○種○也○獨○不○曰○作○者○類○不○必○
盡○吳○人○乎○曷○爲○而○冠○之○吳○也○曰○地○異○而○寄○情○于○
響○者○大○都○屬○吳○音○卽○不○盡○吳○音○而○按○拍○無○如○吳○
人○工○也○然○則○吳○之○騷○曷○爲○而○不○騷○其○體○顧○曲○也○
曰○諸○君○子○見○當○吾○世○而○詞○賦○自○命○者○示○之○騷○定○
肴○酸○于○把○卷○卽○開○卷○苦○不○得○句○也○方○將○敝○帚○委○
之○寧○冀○有○淮○南○王○安○通○其○義○而○劉○向○諸○人○出○尊○

其言爲經也。則其文且湮沒不傳。而悠悠此情。終不獲表見于天下。後世以故文生于情。而情恐不能以文訴人。則變而衍爲曲。庶幾考之樂府。亾慮知與不知。并亾慮善。按拍不善。按拍而情不自己。人人其式歌且舞也。今日者。卽起三閭大夫。汨羅中。其能不以曲易之。仍騷哉。則吳騷之集于初也。洵足爲楚騷廣次。以是集稱廣騷。夫誰曰不可。王孝伯有知。當又以痛飲酒。

熟讀前後兩吳騷爲快矣。千載下應不乏賈長沙。有爲文吊諸君子耳。爲子雲氏者其爲誰。花柳上人許當世題。

序吳騷三集

懷沙寫志。幽憂無已。蓋繼三百而作者。自宋子師之。而漢賈生擬感鵬之論。凡幽人志士。不平而喜爲古言辭者。人非楚而楚。其辭揅筆而從子雲之後者。不乏人也。然賦體浮誇。引用古字。

稱長學士經生亦多未解世因變之爲詞曲語
近本色遂與里耳相通總之體異而志同也居
士號騷隱復集樂府而弁以騷良有深意乎今
好事者聞其名號便覺鬱沈之色都爲振起且
欲卽覩其全而未可得茲復手輯佳本授之剞
劂至再而三其韻嚴其響和其節舒其慷慨類
俠滑稽類誕怨思類憤悲歌惜若挾三閭大夫
而出佩蘭沈潭之貌吐其九歌天問哀郢之辭

也。廼居士少孤。食貧。意氣違俗。所如多不合。室
其沾沾以騷著耶。是刻也。長夏掩扉。散髮痛飲。
手拈數闋。長謳再過。實岑寂中。知己耳。若九官
之辯。有譜法在何庸贅。

半嶺主人題

填詞訓

古士大夫聽琴瑟之音弗離於前性情之通絃歌而
沿吟詠可已歟客曰詞餘之興也多以情瘳大抵皆
深閨永巷春傷秋怨之語豈鬚眉學士所宜有況文
辭之貴期於渾涵若夫雕心琢句柔脆纖巧披靡淫
蕩非鼓吹之盛事曲固可廢也騷隱生曰嘻子陋矣
尼山說詩不廢鄭衛聖世采風必及下里古之亂天
下者必起於情種先壞而慘刻不衷之既興使人而
有情則士愛其絲女守其介而天下治矣且子亦知

夫曲之道乎心之精微人不可知靈竅隱深忽忽欲動名曰心曲曲也者達其心而爲言者也思致貴於綿渺辭語貴於迫切長門之詠宜於官樣而帶岑寂香閨之語宜于閨藏而饒綺麗倚門嘖笑之聲務求纖媚而顧盼生姿學士騷人之賦須期慷慨而嘯歌不俗故詠春花勿牽秋月吟朝雨莫瀾夜潮瑤臺玉砌要知雪部之套辭芳草輕烟總是郊原之泛句又如命題雜詠而直道本色則何取于寓言觸物興懷而雜景描摹則安在其卽事甚且士女之吻無辨際

合之意多垂文情斷續而忽入俚言筆致初違而生
吞成語又曲之最病者也乃若傳奇之曲與散套異
傳奇有答白可以轉換而清曲則一線到底傳奇有
介頭可以變調而清曲則一韻到底人第知傳奇中
有嬉笑怒罵而不知散曲中亦有離合悲歡古傷述
惜別之詞一披咏之愀然欲淚者其情真也故曲不
貴樸實而貴流麗不貴尖酸而貴博雅不貴剽襲而
貴冶剗不貴熟爛而貴新生不貴文飾而貴真率肖
吻不貴平敷而貴選句走險有作者起必首肯吾言

矣客日子之爲辭未必其無弊也乃執月日以平章
曲府司三寸管而低昂之得無過當乎居士曰人之
妍媸人也不必其已之妍也雙眸具在存其論而已
矣今日者之評次雖謂作家之豸史亦誰曰不可

作家偶評

騷賦者三百篇之變也騷賦難入樂而後有古樂府
古樂府不入俗而後以唐絕句爲樂府絕句少宛轉
而後有詞自金元入中國所用胡樂嘈襍緩急之間
詞不能按乃更爲新聲以媚之作家如貫酸齋馬東
籬輩咸富于學兼喜聲律擅一代之長昔稱宋詞元
曲非虛語也大江以北漸染胡語而東南之士稍稍
變體別爲南曲高則成氏赤幟一時以後南詞漸廣
二家鼎峙大抵北主勁切雄壯南主清峭柔脆北字

多而調促促處見筋南字少而調緩緩處見脈各有
三昧難以淺窺譬之同一師承而頓漸分受不可同
日語也乃製曲者往往南襲北辭殊爲可笑今麗曲
之最勝者以王實甫西廂壓卷日華翻之爲南時論
頗弗取不知其翻變之巧頓能洗盡北習調協自然
筆墨中之鑪冶非人官所易及也國初作者王子一
輩十六人僅傳其名詞未及見後起如楊升菴頗有
才情所著有洞天玄記陶情樂府流膾人口但楊本
蜀人調不甚諧而摘句多佳楊夫人亦饒才學最佳

者如黃鶯兒積雨釀輕寒一曲字字絕佳楊別和三
詞俱不能勝固奇品也北人如王漢陂康對山翩翩
佳致其後推山東李伯華伯華以傷粧臺百闕爲對
山所欣賞今其詞尚在不足道所爲寶劒登壇記亦
是改其鄉先輩之作固自平平而自負不淺弇州嘗
譏其腔律未協非苛求也大聲金陵將家子所爲散
套尚多借襲而才情亦淺然句字流麗可入絃索如
三弄梅花一闕頗稱作家固知好句不在多得王舜
耕西樓樂府較爲警健題贈亦善調謔而少風人之

蘊籍常樓居自有樂府詞氣豪逸亦未當行谷繼宗
謝茂秦輩皆有逸韻尚居諸君之下徐髯仙所爲樂
府不能如大聲穩協而情思過之吳中以南曲名者
祝希哲唐伯虎鄭若庸三人媲美京兆能爲大套富
麗而多駁襍解元小詞纖雅絕倫鄭所爲玉玦記見
其一斑它未足道明珠記乃陸天池采所成者其兄
浚明給事助之非一手之烈張伯起素喜梁伯龍博
雅擅場吳越春秋善述史學而不平實且賓白工緻
具見名筆第其失在冗長若江東白苧一辭讀之有

學士氣故伯起重之伯起之撰紅拂潔秀俊美但不
無輕弱之嫌陸南門散詞有一二可觀語亦雋爽先
輩如李空同王浚川諸公皆長于北聲不入南調大
抵曲之稱當行者首重譜韻次論詞章近日玉茗堂
杜麗娘劇非不極美但得吳中善按拍者調協一番
乃可入耳惜乎摹畫精工而入喉半拗深爲致慨若
士茲編殆陳子昂之五言古耶名家苦心作家頗難
得予後學何知漫舉而評隲之非有他也蓋謂曲學
深奧見從來作者之難若諸君聲價久已實錄詞壇

衡曲塵譚

八

不可泯滅余抑何敢以管窺之見漫爲低昂也耶

曲譜辯

心感物而成聲聲逐方而生變音之所以分南北也
君子審聲以知音而律呂辨矣古律數九九八十一
以爲宮三分而損益之以爲徵商羽角此律呂之大
較也復之一陽始生律應黃鐘通而推之爲大呂太
簇夾鐘姑洗仲呂蕤賓林鐘夷則南呂無射應鐘凡
十有二律所謂氣始于長至周而復生聖人合符節
調鐘律造度數繇此其選也樂府之制字辨陰陽調
協平亥然未有舍十二律而自爲神明者今按之曲

譜大抵壽張附會者什之八九夷攷其調僅有黃鐘
南呂二家諸如仙呂大石越調雙調之名不知從何
根據如謂舍十二律別有流暢則此黃鐘南呂猶然
十二律中之名義也而曲譜竟別別爲仙呂諸調又
何說耶如仍出諸十二律則宮調之首當叙自黃鐘
始今南曲譜獨首仙呂又何說耶且也黃鐘爲宮不
必更有正宮之名矣夾鐘姑洗無射應鐘爲羽不必
更有羽調之名矣夷則爲商不必更有商調之名矣
今譜之有宮商羽三調而又無角徵二聲獨何歎說

者曰軒轅之法及今淼矣此流傳者之殘闕也但不
知仙呂大石越調雙調究竟自誰伊始余竊揣之意
者十二律之仲呂或因仲字與中字仙字相肖遂誤
傳爲中呂仙呂乎又或呂字與石字相似遂誤傳大
呂爲大石乎善讀書者盡信不如其無則九宮譜之
謂矣然則何以處曲乎曰曲者末世之音也必執古
以泥今迂矣曲者俳優之事也因戲以爲戲得矣然
則譜可廢乎曰因其道而治之適于自然亦已無憾
何必不譜也蓋九九者天地自然之數也律呂因此

諧腔調繇此出譬如今日此曲之腔唱爲彼曲聽者
笑之謂其失於自然也然則按譜而作之亦按譜而
唱和之期暢血氣心知之性而發喜怒哀樂之常斯
已矣況譜法之妙專在平亥間究心乃學之而陋焉
者僅如其字數逐句櫛比而所以平亥之故卒置弗
講似此者如土偶人止還其頭面手足而心靈變動
毫弗之有於譜奚當焉及學之而失焉者每一套中
以此調之過曲忽接他調譬諸冬行夏令南走北轍
卽名家大手遑遑有之於譜又奚裨焉昔人歌筵賓

之聲而景風至震易水之響而白虹貫所云動已而
天地應焉聲音之感豈其微哉古之譚曲者曰曲如
折止如橐木曲之道思過半矣客曰今子伯仲之選
本其于譜書固兢兢矣而重翻此義可謂世行世法
我行我法者夫余然其言遂併識之

情癡寤言

今之所稱多情皆其匿情而獵名者也悲憤調笑慰勞寒暄若伶人之搬演落場卽已掉臂去之轉眼秦越聚散搏沙耳膠漆戈矛耳其爲辭也浮游不衷必多雕琢虛僞之氣欲自掩飾之而不能心之與聲有異致乎人之有生也省字現乎外血性注乎內情緣煎其中豈惟兒女子雖彼豪傑通儒豁達自負者無所感則已一涉此途行且靡心就其維繫誰能漠然而遊於潏潏之鄉哉說者曰至人處靜不枯處動不

喧居塵出塵無縛無解而且柳生其肘右鳥巢其頂
門此亦冥忘汰寥之極矣今乃以萍踪浪迹愁病銷
磨痴矣哉噫彼之忘情割河而斬筏者人而至焉者
也我非至人第求其至於人夫人情種也人而無情
不至於人矣曷望其至人乎情之爲物也役耳目易
神理忘晦明廢饑寒窮九州越八荒穿金石動天地
率百物生可以生死可以死死可以生生可以死死
又可以不死生又可以忘生遠遠近近悠悠漾漾杳
弗知其所之而處此者之無聊也借詩書以閑攝之

筆墨罄瀉之歌詠條暢之按拍紆遲之律呂鎮定之
俾飄飄者返其居鬱沉者達其志漸而濃郁者幾於
淡豈非宅神育性之術歟余于情識淡然矣挾一真
率有情之侶與俱不勝其嚮往也間一拂情又不能
違心以就世法人亦多笑之弗顧也自率其情已矣
世路之間有疑吾情者緣之艱也吾無庸彊其信斯
情者我輩亦能癡焉但問一腔熱血所當酬者幾人
耳信乎意氣之感也卒然中之形影皆憐靜焉思之
夢魂亦淚鍾情也夫傷心也夫此其所以癡也如是

以爲情而情止矣如是之情以爲歌詠聲音而歌詠
聲音止矣

凡例

一往時選刻吳騷苦無善本所行者惟南詞韻選及遶奇振雅諸俗刻所載清曲大畧雷同韻選一書又爲金湯韻學而設僅惟小令散見而套數則落落晨星余特蒐諸殘簡蠹餘零星舊本及各家文集中積漸羅致雖已刻者有三集而所見之詞不啻廣矣其後坊刻效步似亦栢梁餘材武昌剩竹耳終不能出其範圍也是集更彙精美用公見聞

一是集端錄麗情散曲惟幽期歡會惜別傷離之
詞得以與選其他雜詠佳篇俱俟續刻槩弗涵
收

一歌先審調不知何調則音律亂矣茲選照譜所
序宮調分列各官正曲居先犯調列後而南北
調以及北調附列終篇俾知音者便於查覈

一詞場佳句多矣然於曲體及用韻涵亂者雖美
不貴日以彙帙未備漫爲寬收者有之茲則逐
套研窮必求合譜依韻而越格者弗錄也其名

人好辭坊刻訛傳者悉照原本釐正有偶爲出入而填詞佳麗不忍棄置者必謬爲斟酌琢瑕留瑜爲宮商之全璧云

一曲中襯貼字眼須辨虛實非死煞也俗刻臆分大小自稱當行徒貽識者之笑茲則細加理會辨晰微渺殊費苦心

一字有鼻音唇音舌音喉音齒音及撮口開口閉口等音不能盡標卽詞隱先生止圈閉口而閉口侵尋監咸廉纖三韻亦明載中州韻書知音

者按之自能一一分辨茲挾止圖去上兩聲其餘槩不蛇足

一是選但衡其曲不問其人間有姓氏相傳確乎有據者則一一還其故物有託名誤刻而素無可考者亦不敢妄爲翻案獲罪前人蓋移珠借玉亦屬詞林常有之事如從此推敲必盡起地下而問之矣奚其能況詞以人重人以詞重寧任其咎以畱闕文之遺意可也若云杜撰則吾豈敢

一好曲熟爛人吻儘有爲人唱壞者是編刻去汜
濫近補新聲名曰合編雖依據舊本而仍寓增
刪之法非依樣葫蘆已也

一各調逐詞或有疑案或有原評附載編中以供
詞林鼓吹以佐譜書法輪

一清曲中圖像自吳騷始非悅俗也古云詩中畫
畫中詩開卷適情自饒逸趣是刻計出相若干
幅奇巧極工較原本各自冊畫以見心思之異
一坊選傳奇諸曲頗爲厭人嗣茲刻後當另出手

服用公玄賞

一是選雖未空羣亦稱鴻覽其他名家著作雖多
一時不能悉購俟容廣蒐以成績刻倘得聞風
辱教猶拜明賜

白雪齋主人謹識

凡例終

魏良輔曲律

一擇具最難。聲色豈能兼備。但得沙喉響潤。發于丹田者。自能耐久。若啓口拗劣。尖癰沉鬱。自非質料。勿枉費力。

一初學先從引發其聲響。次辨別其字面。又次理正其腔調。不可混雜。強記以亂規格。如學集賢賓。只唱集賢賓。學桂枝香。只唱桂枝香。久久成熟。移宮換呂。自然貫串。

一五音以四聲爲主。四聲不得其宜。則五音廢矣。

平上去入逐一考究。務得中正。如或苟且舛誤。聲調自乖。雖具繞梁。終不足取。其或上聲扭做平聲。去聲混作入聲。交付不明。皆做腔賣弄之故。知者辨之。

一生曲貴虛心玩味。如長腔要圓活流動。不可太長。短腔要簡徑找絕。不可太短。至如過腔接字。乃關鎖之地。有遲速不同。要穩重嚴肅。如見大賓之狀。

一拍迺曲之餘。全在板眼分明。如迎頭板隨字而

下。徹板隨腔而下。絕板腔盡而下。有迎頭慣打
徹板。絕板。混連下一字迎頭者。此皆不能調平
仄之故也。

一曲須要唱出各樣曲名理趣。宋元人自有體式。
如玉芙蓉玉交枝。玉山供。不是路。要馳驟。針線
箱。黃鶯兒。江頭金桂。要規矩。二郎神。集賢賓。月
雲高。念奴嬌序。刷子序。要抑揚。撲燈蛾。紅繡鞋。
麻婆子。雖疾而無腔。然而板眼自在。妙在下得
勻淨。

一雙疊字上兩字接上腔。下兩字稍離下腔。如字
字錦思思想想。心心念念。又如素帶兒他生得
齊齊整整。裊裊停停之類。至單疊字。比雙疊字
不同。全在頓挫輕便。如尾犯序一日冷冷清清之
類。要抑揚於此演繹。方得意味。

一清唱俗語謂之冷板。癸。不比戲場藉鑼鼓之勢。
全要閒雅整肅。清俊溫潤。其有專于磨擬腔調。
而不顧板眼。又有專主板眼。而不審腔調。二者
病則一般。惟腔與板兩工者。乃爲上乘。至如面

上發紅。喉間筋露。搖頭擺足。起立不常。此自關人器品。雖無與于曲之工拙。然去此方爲盡善。一北曲以遒勁爲主。南曲以宛轉爲主。各有不同。至于北曲之絃索。南曲之鼓板。猶方圓之必資於規矩。其歸重一也。故唱北曲而精于呆骨朶。村里趯鼓。胡十八。南曲而精于二郎神。香徧滿。集賢賓。鶯啼序。如打破兩重禪關。餘皆迎刃而解矣。

一北曲與南曲大相懸絕。有磨調絃索調之分。北

曲字多而調促。促處見筋。故詞情多而聲情少。
南曲字少而調緩。緩處見眼。故詞情少而聲情
多。北力在絃索。宜和歌。故氣易粗。南力在磨調。
宜獨奏。故氣易弱。近有絃索唱作磨調。又有南
曲配入絃索。誠爲方底圓蓋。亦坐中無周郎耳。
一曲有三絕。字清爲一絕。腔純爲二絕。板正爲三
絕。

一曲有所不雜。南曲不可雜北腔。北曲不可雜南
字。

一曲有五不可。不可高。不可低。不可重。不可輕。不可自做主張。

一曲有五難。開口難。出字難。過腔難。低難。轉收入鼻音難。

一曲有兩不辨。不知音者。不可與之辨。不好者。不可與之辨。

一聽曲。不可喧譁。聽其吐字。板眼。過腔得宜。方可辨其工拙。不可以喉音清亮。便爲擊節稱賞。大抵矩度既正。巧絲熟生。非假師傳。寔關天授。

一絲竹管絃。與人聲本自諧合。故其音律自有正
調。簫管以尺工儷詞。曲猶琴之勾剔。以度詩歌
也。今人不知探討其中義理。強相應和。以音之
高而奏曲之高。以音之低而奏曲之低。反足淆
亂正聲。殊爲聒耳。陳可琴云。簫有九不吹。不入
調。非作家。唱不定。音不正常。換調腔不滿。字不
足。成羣唱。人不靜。皆不可吹。正有鑒於此也。

曲律終

白雪齋選訂樂府吳騷合編總目

第一卷

仙呂

共曲一十九套又小令二十闕

羽調

共曲四套

正宮

共曲二十一套

大石

共曲二套

第二卷

中呂

共曲一十九套

南呂

共曲四十二套

第三卷

黃鐘

共曲一十三套

越調

共曲五套

商調

共曲三十七套又小令八闕

雙調

共曲三套

第四卷

仙呂入雙調

共曲一十七套又小令七闕

附錄譜內新增體并各官花犯曲

共曲一十二套又小令一十一闕

附錄譜外變調

共曲二套

附錄南北間調

共曲五套

附錄北調

共曲一十一套

吳騷合編總目終

白雪齋選訂樂府吳騷合編目次

第一卷

仙呂

醉扶歸

效于飛鴛侶天生就

題情

沈伯英

聽敲窗夜雨知多少

題情

李文瀾

喜萍踪一葉相逢乍

絕情

沈伯明

相思欲見渾難見

題情

張伯起

八聲甘州

吳騷合編

卷一

梨花小雨

閨思

杜圻山

紅樓繡榻

贈徐瓊英

梁少白

冤家聚首

代周非月賦別阿蟬

袁鳧公

相思無底

擬閨人托雁傳情

沈青門

桂枝香

江東日暮

詠輕雲贈王秋卿

梁少白

青燈殘夜

旅思

屠長卿

江南春蚤

擬劉采春寄元微之

王伯良

今宵何夕

歡會

王百穀

二犯月兒高

月冷清松殿

紅橋庄居詠遇

梁少白

紅粉多薄命

閨怨各韻計八闕

馮海浮

煙鎖垂楊院

閨情各韻計四闕

唐六如

月雲高

意中人遠

閨怨

張伯瑜

別情無限

題情各韻計二闕

王百穀

夢魂初覺

紀情各韻計二闕

梁少白

醉羅歌

爲你爲你

閨思

王雅誼

恨殺恨殺

閨情

古調

二犯傍粧臺

恨匆匆

旅思

馮海浮

景淒涼

春閨

周秋汀

睡朦朧

閨情

張伯起

二犯桂枝香

韶光似酒

閨思各韻計四闕

文衡山

羽調

大石

念奴嬌序

麗譙落月

閨思

王西樓

賽觀音

怕羞添着恨

麗情

王伯良

吳騷令編卷一 目次終

吳騷令編

目次卷一

五

白雪齋選訂樂府吳騷合編卷之一

虎林

騷隱居士 選輯

半嶺道人 刪訂

仙呂

○題情

翻北詞已刻

沈伯英

醉扶歸

用尤侯韻

效于飛鴛侶天生就。須知他前生福慧是雙修。看星
河織女共牽牛。信三生夙帳原非謬。這些兒都是舊
根繇。似驂鸞仙子騎鯨友。

阜羅袍

標格江梅清秀。更腰肢、宮樣纖媚。輕柔尊前皓齒。映
明眸。星前密意符深。吮。迴風舞燕。盈盈畫樓。隔花鶯
語。聲聲好。速當杯暗。覺春心逗。

月上海棠

以下仙呂入雙調

恩未休。良緣不讓桃源後。關情是丁香枝上。豈蕊稍
頭笑。生花夜月芙蓉眉。着暈春風楊柳水。絃奏怕并
州。孤客綠鬢先秋。

江兒水


莫學章臺柳。臨岐盼遠遊。等閒折入他人手。結就雙
雙鴛鴦扣。歌翻楚楚琵琶袖。錦帳重茵消受。把個眼
去眉來。博得箇天長地久。

僥僥令

當壚心既有。題柱志須酬。莫向風塵忙奔走。只合向
碧紗窗。將風願勾。

尾聲

休嗟當日難成就。兩下終須是匹儔。着甚多情先自
愁。



頤和園

清宮舊址
萬壽山
佛香閣



○題情 原稿未刻

李文瀾

醉扶歸 用蕭豪韻

聽敲窗夜雨知多少。好一似愁人枕上淚珠拋。熱急
急心頭惡根苗。看他堯底都來到。可憐虛度可憐宵。
砣砣恨把牙尖咬。

江兒水

仙呂入雙調

點點燈花落。沉沉香篆消。冷清清幾陣風兒峭。滴溜
溜雙眼何曾合。悶恹恹一枕愁腔調。想想思思顛倒。
幾轉柔腸一寸寸因他斷了。

阜羅袍

夢到何曾身到。兩頭單落得意。縮心交口調滋味。實難消。眼傳恩愛知多少。東牆咫尺相逢路。遙西廂何處。相思病熬。哄心腸沾得些兒好。

香柳娘

南呂

看青青柳條。看青青柳條。牽人懷抱。韶華肯逐東風老。這些兒掛着。那些兒掛着。見景兒便偷點借名兒。將他叫。把絲桐謾調。把絲桐謾調。孤鸞自嘲。離鴻誰噪。

尾聲

花星一點空相照。銀漢何時渡。鵲橋把今世裡姻緣。心上了。

○紀情 未刻

沈伯明

醉扶歸

用家麻韻

喜萍浮一葉相逢乍。感天教兩意不爭差。露水兒恩情且休誇。風波倒惹動天來大。只道章臺弱柳受攀踏。却是餘桃苦被人驚訝。

步步嬌

以下俱仙呂入雙調

只得強赴徵歌向侯門下。請不滿風流假。繇他喬坐。
衙落得詞場添個佳話。留戀着那冤家。明朝忍把孤
帆駕。

園林好

悵逢時情同聚。沙恨別時似風飄墜。瓦何日似當年
初嫁。應不久泛星槎。須記取信非遐。

江兒水

慘淡杯中月。夢裏茄情堪腸斷。人堪畫。層疊疊離愁。
難禁架。絮叨叨私語無休罷。念念心心牽掛。把袂相

看只落得如癡似啞。

玉交枝

更深殘蠟亂紛紛。情珠似麻。青衫共濕真堪咤。料非
關淚落琵琶。一個翻身抱石欲待學浣紗。一個險些
又逐江魚化。驚殺了病休文。腰圍瘦麼。怕殺了快袁
宏休。誇倚馬。

川撥棹

情非耍。賸今宵。天一涯。霎時間。片片風花霎時間。片
片風花問重逢。怕香塵路雜。渴相思。怎療他。怪林稍。

啼曉鴉。

尾聲

梁谿咫尺非巫峽。只索把剩雲相迓。認取桃源萬樹霞。

○題情

白雪齋改本

張伯起

醉扶歸

用先天韻

相思欲見渾難見。真箇是別時懊恨。見時憐記當初未見。悵無緣。及至見來又結就愁千件。見和不見奈何天。怕見了又心兒軟。

步步嬌

以下四曲俱仙呂入雙調

夢遠高唐還留戀。雲雨忙收卷。似遺香在枕邊。寂寞空餘舊時歌扇。盼不到羅袖擁香肩。看雙星移入參商殿。

江兒水

陌上朝來遇阻。萬千隔簾凝望。梨花面。泪眼迷離渾如茜。東西岐路。天來遠。聚散人生飛電難割捨。萬種思量無數迎人嬌倩。

園林好

留一盼清波欲濺。覷半面明霞欲燃。何事蕭郎偃蹇。
似線斷晚風。鷺空悲哽。夜啼猿。

五供養

歸來月轉看屋梁落影。幃薄風牽舊愁流水急。新恨
海潮煎。轆轤輾轉敲心碎。砧聲一片。只索向孤檠下。
影兒前。衾裯泪冷寂無言。

僬僬令

雙調

膠絃聲歷落。燼篆思聯綿。加上些雨雨風風來。厮纏。
吟不盡寫離愁千丈箋。

尾聲

心頭掌上提。千遍恍忽地耳邊嬌頭。又是何處鶯聲溜的圓。

春寒夜午。月浸花釀。情種逗人吟懷走筆。愁重未堪斷句。倦來聊展名詞。雖意態固已擅場。奈韻律尚多失譜。遂爾一時翻變。庶乎全調諧和。

誰則曰削方而圓。我惟知引竹而肉云爾。

騷隱

○閨思 白雪齋藏本已刻

杜圻山

八聲甘州 用魚模韻

梨花小雨向紅窗。支枕香冷、燠爐。因他禁害，添却幾多愁苦。別來望裡，書頓杳，憶到逢時，夢也無。怎教竟常如皓月同孤。

前腔

換頭

慵梳任塵蒙奩鏡。不禁這香殘粉冷。脂枯相思無那。偏值鳥啼春暮，非關薄倖。心如石，只是紅顏命合孤。可堪畫梁間燕子，將雛。

不是路

風景蕭疎。花自飄零，鳥自呼。可惜顏非故，腰枝一捻。

瘦將無恨。模糊絲陰芳草天涯路。目斷王孫隔楚巫。
愁無數。白頭吟吟就情空訴。竟成擔悞。竟成擔悞。

棹角兒序

連理枝無端剗鋤。並頭花等閒摧仆。比目魚蠻將剖。
分交頸。鴛反成單獨。只落得冷瑤琴閒錦瑟空珠戶。
魂斷長途。相思孽債。前生罪辜。難道是參商作祟。偏
照奴奴。

前腔

雪濤箋忒將恨書。霜毫筆難描離緒。強檣身幾度思。

量空搔首一番延佇。多因是好中堪愛。生嗔思成怨。
將奴輕負。無憑無據。何時問渠。怎能勾魂如倩女飛。
渡衡廬。

尾聲

見時漫把前情訴。訴時節怕又多閒語。總是煩惱如。
山從教一笑除。

○贈徐瓊英

已刻

梁少白

八聲甘州

用江陽韻

紅樓繡榜記風情。千古猶見徐娘。儀容聰俊。月下素。

蛾相倣宮眉秀。靨難描寫。高髻雲鬟別樣妝。堪憐向
迴廊花底。端相。

前腔

換頭

念年少綺羅生長。見家常偏愛淺淡衣裳。清歌飛動。
天外野雲颺颺。門盈海內文章客。斷盡江南刺史腸。
等閒將羈人忘却他鄉。

不是路

何處劉郎引入桃源一徑長。忙投訪。見樓臺。畫舞
鸞。鳳。珮鏗鏘。分明閨苑飛仙降。邂逅相將入洞房。魂

飄蕩似鴛鴦一對相偎傍。踏翻春浪。踏翻春浪。

解三酲

生受處錦衾羅帳。促急裡蝶趁蜂狂。燈兒剔處歡心暢。東風橫。燕鶯忙。亂茸茸。林花着雨。胭脂濕。軟怯怯。水荇牽風。翠帶長。金鈎上看烏雲撒處。旖旎聞香。

前腔

頃刻間霧迷青嶂。霎時裡花落河陽。長亭一曲陽關唱。青衫袖。淚千行。最堪憐。半江露滴芙蓉冷。恰正是兩岸風凋楊柳黃。情難忘。總笑深處。獨自淒涼。

尾聲

姑蘇東望添惆悵。一騎重看入豫章。却指金陵是故鄉。

○代周非月賦別阿蟬

原稿刻

袁鳧公

八聲甘州

用尤侯韻

冤家聚首似漆膠相和魚水相投。嬌歡密愛沒遮欄。
媚眼橫秋魂銷反覺少話頭心醉頻忘酒政糾放情。
繡幃中緊抱濃勾。

阜羅袍

自小平康馳驟。並無人像。你放誕風流。可憐香影墮。
青樓。做了水中萍。草風中柳。攢眉強笑。牽衣詐留。昨
宵今晚。何年罷休。因此上。傾心願。締鸞凰偶。

羽調排歌

鼎貯名香。筵集勝流。證盟心志。顧嬌羞。誰知平地起。
戈矛。頓聳香兒。逐楚囚。焚鴛被。破彩舟。江城不許韻。
人遊。羨你多瀟灑。咱也不怨尤。兩人從此倍綢繆。

掉角兒序

到來朝。偏教逗遛。重歡聚。知音羣友。垂虹亭。月色勝。

前載花舟酒香依舊問歸期生離況話兒兒皺
可勝傷憊緊携素手相看淚眸恨不得月波深處並
頭消受。

尾聲

暫分離應不久只在我梁溪歸後與你端午金閨再
和酬。

○擬閨人托鴈寄情

改刻

沈青門

八聲甘州

用齊微韻

相思無底這幾時教人獨守香閨從他別後杳沒數

行書寄多管是戀新忘舊好。因此上將人輕棄遺心。
癡何日裏得展愁眉。

前腔 換頭

情衷訴與誰。枉教奴暗數歸期空庭徙倚。落得腸斷。
魂離關山阻。隔人又遠。瘦損香肌他怎知。淒其挨不。
過月轉花移。

不是路

默默傷悲。忽聽得南來一雁兒。聲嘹唳。呀呀哀怨。過。
樓西。夢驚回。慌忙推枕披衣起。囑付靈禽莫浪飛。煩。

其 賦 卷 一 第 七
稍通半函都是燈前淚。許多愁味。許多愁味。

解三醒

蓼花灘莫教濡滯。蘆荻岸擇伴相依。赴西風一翅翔。
天際薄倖客。蚤尋覓。總利名韁鎖身縈繫。難道春色
全無隴上梅。相煩累。向那人傳示切莫遲遲。

前腔

聞他在漢南湘水。又道在渭北燕磯。又道在長安客
裏曾留跡。又道在錦江湄。總天涯浪蕩無消息。望你
逐處追尋他極。蚤歸相煩累。若得箇上林佳信不負。

逢伊。

尾聲

枉叮嚀。空歡喜。驀地騰騰飛起。却是南柯一覺裏。

○詠輕雲贈王秋卿

已刻

梁少白

蘇臺王子。小字輕雲。性度通明。風儀秀整。高歌
凌乎白雪。游藝擅乎朱絃。同心學結。似西陵松
下之蘓。香翰盈箋。類萬里橋邊之薛。北溪華子
攜之草堂。心聲頓起于筵前。目色橫生乎燈下。
悵佳人之難得。感勝會之不常。遂構斯篇。以應

步騷集
來命。

桂枝香

用魚模韻

江東日暮。亂山無數。天邊長鎖春陰。嶺畔半橫秋樹。
陽臺夢紆。陽臺夢紆。襄王凝竚。朝行何處。暮天低迷。
却南來雁。關河未有書。

不是路

曾上衡廬。見一片飛來萬里。餘蒼梧遠。飄揚踪跡。定
何如路。崎嶇重重。隔斷瀟湘渚。何日乘風下。九疑休
回顧。翠華不見。迷歸路。幾時還遇。幾時還遇。

長拍

舞按霓裳舞按霓裳歌停金縷。送月來、被人間留住。
這是藍宮仙馭。卿雲鬟遊戲天衢。盡駕絳綃輿、引飛
瓊控兩兩彩鸞歸去。幾見瑤池傳曲遠、更洞口笑人
迂。問仙姬何事。冒雨濕羅襦。又不知春山鎖翠、何日
還舒。

短拍

襯煖成綿。襯煖成綿。催寒做雨。伴茶煙細繞簷隅。何
處是郎居。任千里隨風遍。訪無拘。曾渡秋風汾水。至

吳騷合編

卷一

十四

今共塞北雁空飛。

尾聲

山中住原無侶。數被清風引去。終有日歸來。返故間。

○旅思

白雪齋藏本

屠長卿

桂枝香

用車遮韻

青燈殘夜。蕭條旅舍。夢雖多。燕約鶯期。事已共水流。
花謝。聽敲窗敗葉。敲窗敗葉。助人凄切。杳難休。歇鼓
鐘絕。無限衾裯冷。難消心上熱。

不是路

情種些些打起愁城千萬疊。無明夜。慇懃心病費周折。去程除一鞭風雨和殘雪。信斷衡陽鴻雁帖。真拋撇。佳期自分成吳越。我淚痕似血。你寸心似鐵。

長拍

合浦珠分。合浦珠分。延平劍別。問雙環是何時節。向君平問卜。怕人知。不敢明說。枉自把錢跌。想五行八字。合受顛蹶。有限眉峯無限恨。青衫上淚成血。急整片帆歸也。又恐怕江寒夜靜。空載明月。

短拍

歸思迷離歸思迷離愁心哽咽怪家山霧黯雲遮驚
夢怕啼鴉逢驛使隴梅徒折冷落繡幃香煖恨陽關
當日唱三疊

尾聲

好姻緣多磨滅料應是前生欠者把玳瑁簪燒羅帕
裂

○擬劉采春寄元微之

有引未刻

王伯良

唐劉采春故越州名妓微之刺郡時眷愛甚至
故白樂天諢微之詩有因循歸未得不是戀鱸

魚之句。註言戀鏡湖春色耳。蓋指采春也。采春雅善樂府。所作羅噴諸曲。迄今猶艷人口。余意微之去郡後。采春當有詞寄戲爲擬此。

桂枝香

用蕭豪韻

江南春早。天涯人杳。倩他驛使無憑。寄去梅花不到。斷腸來幾朝。斷腸來幾朝。朱絃新調。紅牋殘稿。恨難拋。燕寢香仍在。旗亭柳正嬌。

不是路

翠寫丹描。萬壑千巖。畫一條。山陰道。風流太守。自才

豪喜相挑你玉皇案畔司花巧神女峯頭待雨喬多
顛倒尊前誤采春紅小淺顰輕笑淺顰輕笑

長拍

鏡水鱸魚鏡水鱸魚吳堤芳草白傅謾勞在誚西陵
話別憶消魂幾度江潮淚點在水綃怨使君薄倖負
人年少吟就聲聲羅噴曲酬不得可憐宵無奈蝶煩
蜂惱把金釵買卜零亂雲翹

短拍

司馬情多司馬情多青衫恨悄問何人此夜江皋更

錦水寄風騷。一字字校書詩好。我怎比崔娘妖麗。題尺素千里托迴颺。

尾聲

箕前期真難料。菖蒲花謝五雲高。春色青青總易消。

○歡會

原稿已刻

王百穀

桂枝香

用蕭豪韻

今宵何夕。月痕初照。等閒間一見尤難。平白地兩邊
奏巧。向燈前見他。向燈前見他。似夢中來到。何曾心
料。怕人瞧。驚臉兒紅還白。熱心兒火樣燒。

不是路

緣分難消。欲笑含羞。分外嬌低。低道。道。忍教虛度可。
憐宵夜迢迢。陽臺分得春多少。剩雨殘雲。別樣嬌怕。
燈兒照枕邊。力怯鶯聲悄。半推半要。半推半要。

長拍

點簡風流。點簡風流。綢繆懷抱。霎時間。粉褪香消。雙
眉鎖黛。瘦東風。一捻纖腰。慵整翠雲。翹怕分離。寸寸
柔腸。如絞。有約。明朝窗外。月休洩。漏這根苗。守盟言
心上。牢牢。奈情翻意覆。生出波濤。

短拍

珮綰雙鸞。珮綰雙鸞。情同匹鳥。願青青柳色常嬌。珍
護最長條。怕攀折。添人煩惱。怎效連枝並蒂。竟生生
世世莫相拋。

尾聲

暗中天地焚香告。切莫犯參商。西鼎羨煞雙吹碧玉
簫。

○辛未秋日紅橋庄居詠遇

巳刻

梁少白

二犯月兒高

用先天韻

月冷青松殿。秋閒廢宮苑。偃息長林下。滿壁生蒼蘚。
瘦比黃花。猶憶那人面。西窗亂葉清霜剪。宋玉悲
深淒涼。純扇。天別恨已三年。除非是再續鸞膠。
方歸舊庭院。按此曲中一段犯五更轉後一段似犯
梧葉兒姑闕之

桂枝香

秋鴻已遠。春鶯方囀。誰知路入花溪。有箇人兒。曾見
似東風柳條。似東風柳條。翠翹花顫。玉鈿雲碾。這冤
牽。一似韋郎。妾來尋未了緣。

不是路

何處嬋娟。生在人間二十年。真堪羨。漁郎來赴武陵源。信難傳。重門慣臥金鈴犬。欲叩花房未敢前。閒遊遍。數來簾底尋方便。盡憑春燕。盡憑春燕。

羽調排歌

白羽霜中。丹楓水邊。輕橈駕破蒼煙。石橋西下。響潺湲。楊柳風牽。隔岸船。笙歌擁。花燭然。青鸞飛下。入文軒。秋波炯翠黛。鮮分明。花洞小。書仙。

阜羅袍

門掩謝家深院。見紋衾低展。繡帳高褰。燈花碎結。畫





屏前麝蘭暗裊金鑪片。繡簾風細。深情未言。紗窗月冷。芳心暗牽。女牛對說長生殿。

大勝樂

南呂勝或作聖

入巫陽雨。戀雲纏幕全遮。燈半剪。瓊津煖。潤春羅。薦濃香沁軟。紅鑪。這些時。莊周曉夢。迷蝴蝶。可正是望帝春心托杜鵑。嬌痴。脈脈儘平生。供養痛惜深憐。

解三酲

俗以醒誤

從今去。春風茂苑。從今去。夜月文園。從今去。天桃栽向河陽縣。從今去。玉種藍田。從今去。壺觴歲歲郊西。

輦從今去簫鼓年年湖上船常留戀謝人間離別和你永遠團圓

掉角兒序

念芳卿心專意堅儘他人海移山變任飄流水宿風餐料隨處姓揚名顯休問咱走西秦留南越住東吳居北海天涯踏遍腳根無線杖頭有錢稱遨遊名山洞府定是神仙

尾聲

而今始信蓬萊淺青鳥爭啼海外幾會看取同赴仇

池小洞天

○閨怨 已刻

馮海浮

二犯月兒高 用庚青韻

紅粉多薄命，青春半殘景。人去瑤臺怨，花落胭脂冷。
嬈娜腰圍強，把繡裙整。○弓鞋淺印淺印殘，紅徑正。
當三月韶光倚闌干，無限情。○情離別幾曾經。○再
來扯住衣衫影，兒般不離形。

前腔

月缺重門靜，香消漏聲永。手托芙蓉面，背立梧桐影。

瘦損伶仃。越覷越孤另。○抽身轉入轉入房。櫳冷又
一個畫影圖形。半明不滅燈。○燈花燭杏無憑。○一
似靈鵲虛囂喜。珠兒不志誠。

前腔

用魚模韻

小院香風過疎簾。淡煙鎖舞倦垂楊線。飄盡梨花朶。
懊恨今春。偏把俺折挫。○腰肢瘦小。瘦小些兒個。見
了憔悴形骸。心疼殺可意哥。○哥。喬樣兒託誰學。○
一似皓月難圓。減容光夜夜磨。

前腔

用先天韻

歌罷桃花扇。粧殘翠雲鉗。恨壓春山重。淚滴秋波淺。
寶鏡塵蒙。何曾覩顏面。○知他那里那里貪歡宴。撇
的我短嘆長吁。聲聲祝願天。○天靈感鑒。盟言。○不
記的耳畔叮嚀。枕頭兒作證見。

前腔 用侵尋韻

玉宇明河浸。瓊窗朔風凜。展轉蝴蝶夢。寂寞鴛鴦錦。
閣淚汪汪。長夜捱孤枕。○從來不似不似今番甚。都
因一片閒愁。生眊查惱碎心。○心害得死。臨侵。○欲
待再不思量。急煎煎怎樣禁。

前腔

用江陽韻

夜夜間惆悵時時細思想。纔離心窩內，又到眉尖上。
萬恨千愁，還不了冤業帳。多情自古自古多魔障。
空有翠繞珠圍，總不如薄倖郎。郎遊蕩在何方？
縱有野草閒花，虛飄飄不四行。

前腔

用皆來韻

門外雕鞍邁鏡中玉容改。扯碎合歡被，剪斷同心帶。
鳳拆鸞分，端的是愁無耐。那人流落流落天涯外。
悄沒一紙書傳，空留下啞謎兒猜。猜沒亂殺女裙。

釵。○但得箇信息。眞實來不來也放懷。

前腔 用家麻韻

遠樹寒蟾下。長空凍雪撒。風動流蘇帳。冷透浹波襪。
夢兒裏溫存熱。突突都是假。○醒來提着提着名兒。
罵他的倦惱亂柔腸。閃煞人只爲他。○他一述的使。
虛花。○想的他一腳兒回來。實心不到家。

○閨情 白雪齋藏本

唐六如

二犯月兒高 用先天韻

煙鎖垂楊院。日長繡簾捲。人靜鶯聲細。花落重門掩。

薄倖不來羞覩雕梁燕。○天涯咫尺，情人遠，只怕路
阻藍橋無繇得見。○天天若肯週全，除是夢裏相逢。
把衷腸訴一遍。

前腔

用魚模韻

院落飄紅雨，輕風蕩飛絮。有限春將盡，無計留春住。
倚遍闌干，默默悄無語。○雲山萬疊空凝佇，薄倖
才知他在何處。○書欲待付雙魚，○只怕水漲湘潭。
飄泊迷前路。

前腔

用尤侯韻

慢折長亭柳。情濃怕分手。欲上雕鞍去。扯住羅衫袖。
問道歸期端的。是甚時候。○回言未卜。奇和偶。懶唱
陽關。慵斟別酒。○酒除是你消愁。○只怕酒醉還醒。
愁來又依舊。

前腔

用東鍾韻

髻亂香雲擁。冷落釵頭鳳。塵暗菱花鏡。香斷芙蓉夢。
月黯黃昏。孤燈有誰共。○心頭紅淚如泉湧。愁聽畫
角。頻吹梅花三弄。○風休吹入繡簾中。○只怕惱亂
離懷。把相思的病。越重。

○四時閨怨 未刻

張伯瑜

月雲高

用先天韻

月兒高

意中人遠芳魂逐飛燕幾度登樓望雲山一

片忽聽啼鵲又惹得添哀怨那桃花驚落盡看芍藥

都開遍

渡江雲

不禁紅淚涓涓如湧泉那些個春宵

人月圓

前腔

晝長人倦徙倚閒庭院綠映堦前樹空驚時變羞浴
蘭湯愁解那雙金釧寂寞殺珊瑚枕辜負了齊紈扇

○奈寸寸愁腸似火然。怎能似雙鴛浪裏眠。

前腔

井梧風剪落葉驚離犬。疑是他來到。忙拋針線迎出。
羅幃悄沒個人兒見。空立遍蒼苔露紅映。却桃花面。
○望斷歸鞭信杳然。羞覩雙星夜夜懸。

前腔

獸寒香篆永漏催銀箭。怕入芙蓉帳。和誰留戀。兀坐。
情騰驚墮落梅花鉗。繡被裏愁滋味。嚙口內涎空嚙。
○願你一夜春風返故園。早難道藍關馬不前。

○題情 已刻

王百穀

月雲高 用寒山韻

別情無限新。愁怎消遣。沒奈何分。思愛。忍教人輕折。
散。一寸柔腸兩下裏。相縈絆。去則終須去。見也還須。
見。○只怕燈下佳期難上。難枕上相思。山外山。

前腔 用皆來韻

吞聲寧耐。欲說誰憐採。惹得傍人笑。招着他們恠。懽。
喜冤家。分定懽纏害。去不去。心頭恨了。不了生前債。
○教我心上黃連苦。自捱。却似鎖上門兒推不開。

吳騷合編

○紀情 已刻

梁少白

月雲高 用蕭豪韻

夢魂初覺閒庭弄花草。見蛺蝶雙雙戲。忍不住將闌
干靠。誰料喬才隔窗兒覷着了。他背地將腰樓。我不
合回身抱。○雖是平日秋波眼上招。畢竟是桃花命
裏遭。

前腔 用先天韻

匆匆得見。姻緣分還淺。又不曾通音信。難道便相留
戀。誰料娘行霎時間寸心軟。他既把終身許。我豈忍

將深盟變。○雖是只得郵亭一夜眠。畢竟藍橋宿世緣。

按此調犯渡江雲。與琵琶記路途勞頓曲相合。但渡江雲本調。竟無可考。而江東白苧內遂註此曲爲月兒高。不知月兒高本調。惟荆釵記錦香亭所有者是餘。皆犯別調者。今改正。附識。

○閨思 已刻

王雅宜

醉羅歌 用真文韻

醉扶歸。爲你爲你擔愁悶。悞我悞我正青春。細雨梨

身期不終
花又黃昏。深院誰啾問。〔卓羅袍〕如癡如醉也。只爲君。
沒情沒緒也。只爲君。歸期暗數春纖困。〔非歌〕書空寄。
病有因。何時得見意中人。

前腔

懶整懶整烏雲鬢。寬褪寬褪繡羅裙。默默無言暗消。
魂人遠。天涯近。○粉容憔悴也。只爲君。桃腮消滅也。
只爲君。緣何一向無音信。○江東樹渭北雲斷腸人。
盼斷腸人。

前腔

暗憶暗憶多聰俊。減盡減盡舊精神。厭厭骨立病纏身。空受淒涼運。○黃花羞對也。只爲君。金樽慵倒也。只爲君。淚珠暗把鮫綃搵。○更初靜。月半昏。誰憐獨坐可憐人。

前腔

畫閣畫閣挑燈盡。翠被翠被共誰溫。千里無端一時分。閃得俺無投奔。○塵蒙鸞鏡也。只爲君。寒生鴛枕也。只爲君。離愁萬種紫方寸。○風敲戶。雪舞筠。折梅空寄隴頭人。

○聞情

已刻

古調

醉羅歌

用皆來韻

恨殺恨殺無情客。跌綻跌綻鳳頭鞋。追悔當初一念
垂着甚將他愛。○燈前月下。偎肩並腮。羅幃錦帳。鸞
和鳳諧。把恩情一旦沉東海。○懨懨害病。怎捱負心
的天。自有安排。犯調註前

前腔

鎮日鎮日愁無奈。不放不放翠眉開。記得河橋分袂
來。一別經多載。○想應別惹閒花野荻。腰肢瘦損。晨

昏怎捱。薄情不記得。盟言在。○新人態似舊懷。可知
舊人曾也向新來。

前腔

想起想起春風態。無日無日放心懷。雁杳魚沉信不
來。愁蹙雙眉黛。○是我緣慳分淺。非你情薄意乖。阻
隔天南地北。空自朝思暮猜。爲前生做下今生債。○
愁填臆。淚滿腮。幾時得歡容笑口到粧臺。

前腔

素粧素粧花不戴。禁步禁步戶慵開。因甚多心胡亂

猜枉把奴嗔怪。非是相交一日。和你綢繆數載。肯把芳心別付。難免靈神鑒災。如何輕拆雙鴛帶。○真和假難盡解。請君一一想將來。

○旅思

原稿已刻

馮海浮

二犯傍粧臺

用東鐘韻

傍粧臺頭

恨匆匆。一鞭行色片時中。到今空記着臨

行話。想不起別時容。

入聲甘州

影孤惟有青燈對。夢

斷纔知翠被空。

卓羅袍合

穿簾夜月敲窗曉風。

傍粧

臺尾

可憐清冷各西東。

前腔

恨重重。不知何處覓芳踪。多應淚似三江水。愁鎖着
兩眉峯。○香銷蘭麝。金爐冷。玉減腰圍。繡帶鬆。
合前

不是路

見面無從。廢寢忘食。百事情。添悲。痛漫將心事問長
空。怪飄蓬。巫山十二連雲凍。路隔三千棹。未通擔愁
重。枕邊少箇風流種。錦衾誰共。錦衾誰共。

棹角兒序

浙零零。堦前候蛩鳴咽。咽角聲三弄。嘹唳。唳樓頭塞。

鴻韻悠悠曉鐘聲動好一似怨孤鶯傷別鶴叫哀猿
泣麟悲鳳令淒涼萬種雲山幾重望鄉關天涯咫尺
別恨無窮

前腔

想當初情投意濃到如今一場春夢甫能勾那步步
追隨只落得這心心珍重多應是前生緣今生債命
中該將人磨弄令前

尾聲

望天公憐哀控願歸去滕王風送看取春時把翠紅

○春閨

自雪齋改本

周秋汀

二犯傍粧臺

用江陽韻

傍粧臺頭

景淒涼。畫眉人去。深院鎖垂楊。花影亂闌。

干上。蝶翅舞砌臺傍。

八聲甘州

歡娛自古嫌春短。寂

寞須知怯漏長。

阜羅袍

琴絃難整。釵頭倦粧。

傍粧臺

尾。慙慙不覺減容光。

前腔

換頭

無明無夜費思量。小窗寂靜空鎖綉鴛鴦。雲顰髻因愁重。珠迸眼爲春傷。○茶蘼架底曾携手。芍藥亭前

記舉觴。○良辰虛度。牽衣掛裳。○幾回魂夢。赴高唐。

不是路

竚立西廂。○俛首無言。欲斷腸。○空惆悵。音書不寄。兩三行。○暗心傷。語惺惺。空憶臨岐。說熱簌簌。分開雙鳳凰。○誰承望。經年冷落。銷金帳。○共誰說。向共誰說。向

掉角兒序

損香肌。藥宜甚。方消紅頰。成何模樣。對蒼天。暗祝歸期。卜金錢。卦成无妄。莫不是。殢天涯。淹旅邸。貪新愛。落在誰傍。從他別後。巫山渺茫。想那人。何時得至。慰

我愁腸。

前腔

下羅幃、慵臨象牀。空繡被寒侵斗帳。困騰騰夢中見，他急煎煎鷄聲頻唱。想只是夙緣慳，孤辰犯合，分離雲迷煙障。相思萬種牽纏，怎當歎光陰，愁中蕭瑟。病裏郎當。

尾聲

倚朱樓、空凝望。何處覓天涯。浪傷總有音書憑誰遠，寄將。

○擬四時閑情 改舊未刻

張伯起

二犯傍粧臺 用東鐘韻

傍粧臺頭

睡朦朧牀空鴛被羞親繡芙蓉翠翹欲雀

雲撩亂支剩枕墮釵橫

八聲甘州

青樓珠箔天涯遠

隔斷巫山幾萬重

卓羅袍

畫廊人靜難禁曉風

傍粧

臺尾

飛紅冉冉度簾櫳

前腔

畫橋東垂楊堤畔曾繫玉花驄自從那日分離後心上事不言中○荷花空對嬌如面執扇常拋恨欲同

○王孫何處雙魚怎通○玉簫聲斷彩雲空

前腔

數流螢見天河牛女又早巧相逢舞殘清露涼金縷
樓十二情誰同○霜毫欲寫離情寄羞緘鸞箋托雁
鴻○更闌香燼閒凭繡籠○秋聲何處響梧桐

前腔

獸爐紅葡萄春煖曾記捧金鍾醉尋羅袖籠香冷驚
玉粟響玲瓏○風流回首渾如夢愁對寒山峯外峯
○圍幃徙倚相思轉濃○梅花枝上雪初融

○四時閨思 已刻

文衡山

二犯桂枝香 用尤侯韻

桂枝香

韶光似酒醉花酣。柳無端幾許閒愁。博得芳

容消瘦。

四時花

休休雲情雨意無盡頭。三春有約君

記否倚闌干凝翠睂。

阜羅袍

鶯兒有偶燕兒有儔。青

鸞孤影教人可羞。

桂枝香

薄倖今何在空餘燕子樓。

前腔 用東鐘韻

池塘晝永薰風南送。春纖倦撥水絃懶把霜紈搖動。
○眉峯堆堆積積愁萬重。相思往事如夢中。好姻緣。

難再逢。○竹搖翡翠。榴噴火紅。荷香飄馥。槐陰正濃。
○自別東君後。金樽幾度空。

前腔

用庚青韻

月圓水鏡。疎星耿耿。良宵院落。沉沉立盡。梧桐清影。
○傷情西風敗葉。和雁聲。銀屏冷落。秋漸零。數歸期。
心暗驚。○紅蓮落盡。黃花滿庭。登高望遠。雲山幾層。
○恨煞音書斷。空將別淚傾。

前腔

用東鐘韻

鴛鴦霜重。翠衾寒擁。香腮半貼。珊瑚一線紅。香將凍。

古詩院在院一主
古詩桐清北





○萍踪飄楊柳絮。心性同無些準繩。西復東。海山盟。都是空。窗兒外。月壁兒裏。風相思。滋味。這回轉濃。○正好朦朧睡。寒山寺已鐘。

昔人謂仙呂一官止。與羽調互用。與道官高平相出入。其餘官調。無令竄入。固格律之嚴。不僅爲北詞而設。若夫清新綿邈。猶屬本官三昧。審音辨字。察調按拍。究心此道者。其留意夫。

嶺樵

羽調

○題情

原稿未刻

沈伯英

四季花

用齊微韻

秋雨過空墀。正人初靜。更初轉。漸覺淒其。人兒多應。
傍着珊枕低。剛剛等咱。纔睡時。便覺相將。投夢思。若
伊無意。誰教夢迷。多情又苦得見稀。抵死恨着伊。恰
恨罷。又添縈繫。更憐你笑你愁。你想你寬你。

集賢賓

以下俱商調

當初戲語說別離。道伊口是心非。誰料濃歡猶未幾。
恁下得霎時拋棄。千央萬免。但只願休忘前誓。我雖
瘦矣。再拚得爲伊憔悴。

簇林鶯

譜中向無此體係新增亦妥

簇御林

舒新恨問後期結同心念未灰滿擎珠淚和

身殢

黃鶯兒

他一聲聲似推一聲聲似依回頭漫道

多寬慰意兒迷眼兒轉處暗裏覷人癡

琥珀貓兒墜

浮萍心性只得強禁持在你風波千丈起到頭心性
沒那移猜疑又怕潑水難收絃斷難醫

水紅花

想應前世負虧伊得便宜今生償抵勸伊從此發慈

悲莫心灰他生重會免使得如咱今日看簷下雨淋
漓點點滴滴不差池也囉

尾聲

過犯多權休罪回嗔作喜且相偎看取風流涎臉皮

○寒宵閨怨

已刻

梁少白

四季花

用庚青韻

寒氣透疎櫺正窗兒破風兒猛背却殘燈愁聽高梧
露滴秋夜清南山子規啼一聲月沉西門暗扇曉鐘
何處噹噹五更薰籠坐倚直到明輾轉夢不成難道

便一生孤另。奈香冷、篆冷。衾冷。枕冷。人冷。

集賢賓

以下俱商調

六朝舊事。心暗評。消磨多少。豪英。朱雀烏衣。留話柄。
記潘妃蓮步。輕盈。景陽宮井。多半是。佳人薄命。須自
省。盡沉沒。暮天鴻影。

簇林鶯

簇御林

還懷舊。自幼齡。播蜚聲。滿上京。長于歷。遍諸

名勝。

黃鶯兒

鳳凰臺。晝登燕子磯。曉行莫愁湖。上春

風艇。總無憑。年華已矣。何事負平生。

琥珀貓兒墜

而今憔悴獨對短檠燈。眼見淒涼。逢暮景。當初誰道。
又恁零丁。牽情羞覩。那烏鵲橋邊。匹配雙星。

水紅花

海盟山誓。信非輕。數年庚。今成畫餅。一生寂寞。竟何
曾問。儒卿甘心誰等。挽不住。夕陽西下。遣不去。恨難
平。這場恩怨。不分明也囉。

尾聲

歎行藏。頻看鏡。大都塵世總浮萍。不如淨掃花前學。

誦經

○題情 未刻

沈伯明

四季花 用監咸韻

驀地把愁膽。這人兒。厚情兒。久索付空談。懷慙因何
聽却無影。謾從前。枉奴囑再三。情思量。情怎堪。只見
朝霞明。湛不覺烟浮暮嵐。黃昏又蚤月。映潭此景更
誰貪。盡日裏。愁填心坎。看容慘。鏡慘。燈慘。影慘。神慘。

集賢賓

已下俱商調

人來寄語如寄緘。早說向喃喃。聞道郎心仍未減。問

何時重把春衫重鋪鳳毯試兩下將情重勘心下感
撲簌地淚流紅氈

簇林鶯

簇御林

音雖至情未諧假和真奴怎探問伊何事輕

撇賺

黃鶯兒

爲甚的花兒懶簪髮兒亂鬢病懨懨獨

自難立站意兒愁情癡未解望得眼兒饒

琥珀猫兒墜

紫騮嘶處小徑忽停驂不信郎來問再三從前積恨
總休銜情酬須不似昔日參差面北眉南

水紅花

兩情和洽蜜兒甘淚猶含願得盟山無憾閒花斜畔
莫貪婪有神監還教敢敢再休使奴心牽掛病得我
骨如巖思思不斷似春蠶也囉

尾聲

感恩情來時暫正晴煙漠漠柳珍珍抵多少昨夜相
思雲樹黯

按四季花一曲譜謂與四時花大同小異首句
似犯黃鶯兒次句與第八九句似阜羅袍餘皆

金鳳釵也。後未詳。

○閨思

白雪齋改刻

秦木渙

勝如花

用庚青韻

從他去春幾更愁積層巒疊嶺記當初春暖銀屏到
如今鴛衾夜冷對好景越添心病合愁殺人薰籠短
檠哄殺人燈花鵲聲雨意雲情記陽臺夢醒怎捱得
這般孤另背人前淚雨頻傾背人前淚雨頻傾

前腔

是奴差別不慣經肯容易分開交頸到如今井墜銀

瓶又似那風飄斷梗怎下得虧心短倖合前

三段子 以下俱黃鍾

相思已成瘦腰肢憑誰肉疼盟言似水語臨岐憑誰
證明幾回強把衷腸硬怎禁驀地心無定空對柔條
惜舊鶯

滴溜子 又名雙聲疊韻又名關雙鷄

春歸去春歸去紅殘綠零人何處人何處雲迷霧凝
寄書鱗鴻難倩天長一樣箋欲言難罄拚一箇癡心
終身耐等

尾聲

連宵夢裏迎歸艇。醒後依然影共形。何處覓鸞膠續
舊盟。

羽調較各宮標目爲數最隘。而名作亦復晨星。
今擇其尤者。悉以公世。隋珠趙璧。正不以多多
見勝也。至若勝如花一套。原稿用韻多訛。特爲
刪潤。與墨憨齋改本各異。敢爾錄刻。以政知音。

正宮

○泊舟連河懷清源胡姬
刻依藏稿
史叔考

錦纏道

用先天韻

滿帆風吹不動離人小船愁重滯江邊。盼相思盈盈一水春天。我想他別時言行時淚眼不歸人恨。逃離意馬心猿說甚好姻緣。這破題兒是柳愁花怨。江關信杳然。何日覩桃花人面。怕夢魂依舊在清源。

普天樂

記銀燈思金釧。鳳鸞交蜂蝶戀。青樓上錦帳瓊筵。今番做怨鶴啼鵲。是當初偶然再休題抱琵琶醉我花前。

古輪臺 中口

艷陽天。隔牆花裏弄鞦韆。笑歌聲逐孤蓬轉。空教留戀。簡點春風。何處是舊家庭院。燕解離愁。鶯知別怨。一雙雙。宛轉話江煙。又恍是傳消寄息。把佳期約在。明年怕只怕。一灣流水半窗殘。月幾村。漁火寂寞對愁眠。難消遣。一瓶香煮惠山泉。

尾聲

彩雲望斷春波遠。欲寄鸞箋沒便只。落得魂斷長途泣。杜鵑。

馬 介 編
○四時閨思

白雲齋藏本未刻

秦復菴

錦纏道

用江陽韻

記當時舞春風。團花綵裳。誰折散錦鴛鴦。到如今空
教夢遶瀟湘。又一番柳拖金。脂凝海棠。怎當得步花
陰。珮冷琳琅。燕子語雙雙。猛聽得神魂飄漾。花飛怯
露涼。又蚤是杜鵑枝上。一聲聲叫月。斷人腸。

前腔

好時光。過池庭。風牽翠香。惆悵日初長。最苦是菖蒲
空泛瓊漿。我待學赤澄澄葵。心向陽。怎當他亂飄飄。

柳絮顛狂。驀地汗沾裳。羞見那綵鴛池傍。蛙聲鬧暮
塘。又蚤是菱歌溪上。一聲聲唱月渡滄浪。

前腔

透紗窗。浙零零金飈薦涼。掩袂聽寒螿。最難禁是連
宵月轉迴廊。他本是映歌樓當年皓光。今日箇照長
門偏惹恹惶。桂窟冷霓裳好似我孤單。一樣寒砧夜
搗霜。又蚤是孤鴻天上一聲聲帶月過衡陽。

前腔

傍銀缸。朔風嚴寒威怎當。一瞬淚千行。况又是漫空

雪蕊飄揚。想當時擁鴛衾。春生象牀。今日裏抱寒綢。
萬種淒涼。澹月襯梅粧。數更籌。越添悽愴。高唐夢渺。
茫。又蛩是鄰鷄。陌上一聲聲。啼月恨更長。

古輪臺

中呂

景堪傷。苔封錦砌。篆消香。四時風月。和誰賞。參商兩
兩。况盼斷歸鞭。把那前言都謊。虛度花朝。慵登月殿。
苦相思。兀自懶梳粧。凝眸癡望。算程途。水遠山長。音
沉魚帖。歌閒鳳管。酒闌瓊席展。轉費思量。粧樓上殘
絨傭理。綉鴛鴦。

前腔 換頭

郎當怎得愁除與病強。撇得我影隻形單，心慵意懶。
春盡秋闌，在萼間韶光反掌，怕那桃李春風反增悽。
愴又見梧桐秋雨滴空廊，孤燈相傍。儘題情寄却黃。
囊薄衾孤帳，如何捱得淒風苦雨。此際總徬徨。想是
前生帳斷頭冤債，合相償。

尾聲

巫峽迷藍橋漲，隔斷處紅塵千丈。只落得煙樹蒼蒼，
雲水茫。

○春日懷蕭楚雲

已刻

楊升菴

綿纏道

用江陽韻

心悵快縮不就相思地。長何處訪蕭娘。珮環聲依然。
只在湘江。怎能勾。趁東風騎着鳳凰。一霎時喜相逢。
齊赴高唐。雲雨謾商量。把角門兒輕輕關上。縱巫山
路渺茫也落得一宵歡暢。怕鐘聲隱隱到書窗。

太師引

南昌換頭

桃花依舊遮門巷。問紅顏今宵那方。特地把琵琶三
弄。又誰知淚雨千行。拋琴把淚空惆悵。聊聽取玉樓

歌唱芭蕉影紛紛過牆。只道是那人轉向迴廊。

三學士

南呂

春風不管人魔障。偏來助我悽惶。花枝縱有他嬌模樣。那裏有軟玉溫柔。不斷香。若使他和花共語。花便肯寫書降。

解三酲

仙呂

不。繇。人。眠。思。夢。想。不。繇。人。割。肚。牽。腸。在。臨。風。對。月。生。悽。愴。舒。蠶。繭。寫。詩。章。不。繇。人。啼。衾。怨。枕。到。天。兒。亮。不。繇。人。罵。柳。嗔。花。送。夕。陽。誰。相。傍。把。離。愁。當。酒。心。坎。爲。

觴。

尾聲

伴青燈。梅花帳。今夜歡娛罷。講前離恨。牽人夜未央。

○寄顧姬 未刻

王伯良

錦纏道 用尤侯韻

憶年時。掛青帆。向維揚。浪遊正值錦塘秋。夜沉沉。花
明一葉蘭舟。恰正是。載西施。迴橈浦口。又做個。醉胡
姬。移席爐頭。窈窕更風流。喜窗外。月明如畫。何妨作
逗遛。笑吟吟。暗鬆金釵。怪起來。紅日在簾鉤。

普天樂

軟腰肢。纖纖柳。巧梳粧。亭亭藕。相偎傍。日日朱樓縱。
烏絲百幅。難酬鸞班鳳儔。似美人圖簇。擁觥籌。

古輪臺

中呂

恨悠悠。一江煙水動離愁。斷腸人別黃昏後。不堪回首。
嘆紫馬青裘。又作長安生受。花落銀牀。西風依舊。
天涯月色共燈篝。照人消瘦。休再提酒盞。茶甌軟綃。
淚點香囊。詩句依然在手。信阻白蘋洲。卿知否。悔將
書劍覓封侯。

尾聲

病兒沉心兒陡莫教朱字問笙篴爲你百鍊剛成繞指柔。

○四時閨思

白雪齋集四詞家小令

李日華

玉芙蓉

用蕭豪韻

殘紅水上飄青杏枝頭小。這些時眉兒淡了。誰描因春帶得愁來到。春去綠何愁未消。人別後山遙水遙。我爲他數歸期。劃損掠兒梢。

前腔

金白嶼

長天暑未消。長恨何時了。玉肌柔。教人倦倚水綃粧。
臺羞對花如貌。舞袖空憐柳似腰。人不到。把盟香暗。
燒。這些時粉香消。常是淚珠拋。

前腔

沈青門

風簾玉馬敲。月砌莎鷄鬧。冷清清。繡閣人孤難熬。無。
憑又是燈花爆。嬾上牙牀三四遭。姻緣事全無下稍。
想應他卜金錢。偏遇反吟爻。

前腔

張伯起

餘香冷絳綃。半壁燈光照。繡衾兒。獨擁夜寒偏峭。秦。

臺寂寞。煙空繞。何日雙吹碧玉簫。關情處。嚙嚙麗譙。猛可的。熱心腸。一陣水兒澆。

按前三曲傳之舊本。卽韻選亦所並載。後得伯起一闕。以成全璧。而三籟疑之。抑未之見耶。

○青樓貽恨

翻北詞

卜大荒

玉芙蓉

用尤侯韻

紅舒臉上桃。翠展眉間柳。靚肌溶粉。膩髮。髹雲稠。纖長帶。綰金雙釵。窄小鞋。弓玉半鉤。腰圍瘦。約珍珠臂鞦。據丰標。止應蘭館貯嬌羞。

刷子序

歌臺賺留經年殢。取酒解茶甌。昨夜新歡。今朝又阻。行舟溫柔。這里紅裙翠袖。那壁廂蜂迷蝶瘦。緊摩弄。火熱心腸。業障兒無了無休。

雁來紅

後三句疑卽朱奴兒今照譜刻

雁過沙

機關勸你收。捨身崖莫更投。述魂洞作急丟。開手。陷人坑。趁蚤忙回首。色褪三春。不耐秋。紅娘子宜速構。雲深小樓。是葉落歸根候。

朱奴兒

愛潭女詞憐少遊凝通叔硬起蘇舟兩箇奇緣意表
飛沒添貨偶然厮就纔消受鸞衾鳳褥再肯向鳴珂
走尾聲無

○擬秋閨思

已刻

沈青門

普天樂

用蕭豪韻

建安才河陽貌從一去無消耗別時節淑景初交暮
又把芳時過了三秋易到可意人難到觸處無端成
懊惱對瑤琴玉軫愁調向粧臺蛾眉怕掃寄香囊繡
字慵挑

雁過聲

換頭

無聊。況復奏巧。風和雨縱橫正。飄。時間鐵馬偏。聒噪。
夢難成。恨難熬。更漏聲將盡。蕉鼓頻敲。鷄聲偏又早。
寒蛩抵死在窗前。哨。不。絲。愁。悶。攢。更。直。到。曉。

傾盃序

換頭

蕭條。爽。漸。生。暑。漸。消。塞雁又呀呀叫。看滿徑黃花滿。
林紅葉滿地。蒼苔教人心碎。難熬。有誰憐瘦損。幾番。
夢醒。畫眉人杳。不。絲。人。怨。殺。暮。暮。更。朝。朝。

玉芙蓉

參差玉珮搖。恍惚銀甌掉。好姻緣。做了有下無稍峯。
頭夢斷。難重到。洞口花開。怎再邀。把些恩和愛。如鹽
在浪淘。奈江深沒底。枉徒勞。

小桃紅

與越調異。或作山桃犯誤。

寫罷了。回文稿。打疊起離鴻。調愁來待。把菱花照。須
知不似前春好。畫圖雖寄。應難肖。傍丹青時。復擎管。
羞描。

尾聲

孤辰限。豈自招于飛。願天應作保。且把香來着意燒。

○閨怨 已刻

李東陽

普天樂 用蕭豪韻

四時歡。千金笑。從別後。多顛倒。俺這里。玉減香消。他那里。珠圍翠繞。婚姻簿內。想是名不到。却把鸞釵輕分了。恨茫茫。水遠山遙。悶沉沉。雲深霧杳。因鵬騰使。人夢斷。魂勞。

雁過聲 換頭

終朝院落靜。悄。徒然有龍香。鳳膏。鸞笙象管。無心好。萬般愁。萬般焦。這悶懷端的。教我難熬。空教人易老。

那堪暮雨在簷前。鬧比着俺淚珠兒自少。

傾盃序

換頭

思着掩翠屏。冷絳綃寂寞。向誰行告。捱幾個黃昏幾
番明月。幾度青燈。和我知道把歸期暗數。寶釵劃損
畫欄雕巧。不繇人罵他薄。伴絮叨叨。

玉芙蓉

金爐香篆消。寶鏡塵埋了。數歸期。一夕又還一朝。薄
衾小簾殘。鐘曉暮雨梨花魂暗消。這相思病多應是
命招。算人心不比往來潮。

小桃紅

註前

誤約在蓬萊島。冷落了巫山廟。愁雲怨雨羞花貌。精神不似當初好。雁來鴻去無消耗。委實的教我心癢難捱。

尾聲

淒涼運。莫再交。但願得鴛鴦會。蚤其待秋霜染鬢毛。

○秋閨

已刻

文三橋

普天樂

用蕭豪韻

閉月容羞。花貌這幾日懶把菱花照。憶多才山長水

遙恨薄倖魚沉雁杳。謾對景傷懷抱。更有甚心情將
道蛾眉掃。最苦是明月初高。最苦是殘燈倦挑。最苦
是隣鷄又蚤報曉。

雁過聲

愁聽落葉亂攪。愁聽那砧聲夜敲。愁聽四壁寒蛩鬧。
更愁聽雁嘹嘹。愁聽窗外雨灑芭蕉。愁聽枝上烏因
他幾樣將人惱。瘦得奴腰肢兒自小。

傾杯序

前宵鶯燕友。鳳鸞交。帳裡相偎靠。好似誤入桃源。喜

逢洛浦樂賦高唐。怎知您別調。把離情謾簡。這回却。比舊時多少。算將來愁腸積累似山高。

玉芙蓉

垂楊映畫橋。小逕迷芳草。急回頭。又蚤秋。滿林皁薄。情遠別長安道。目斷關河魂暗消。慊慊病甚藥可調。只恐怕芳容不比昔年嬌。

小桃紅

註前

默默地將人惱。魍魎地催人老。巴巴望眼空凝眺。一腔愁緒何時了。這般滋味有誰知道。幾時得使我離。

吳騷合編

重刊吳騷合編
卷之十一

五十一





却煎熬。

尾聲

星前月下頻頻禱。願莫負深盟舊好。記取江心把舵
牢。

○旅懷

未刻

沈伯英

普天樂

用皆來韻

片時情。三生債。只索自寧心待。眼見得病骨如柴。辜
負了春光如海。當初取次出鶯花寨。生把連枝輕拆。
解海山盟。霧鎖雲埋。翠紅鄉天寬地窄。蒹蘭芳在教

結佩縈懷。

雁過聲

換頭

難。捱。分。違。半。載。吳。山。阻。音。塵。漸。垂。那。堪。客。路。在。吳。山。
外。漫。行。行。自。裁。劃。這。別。離。也。是。天。遣。神。差。將。生。辰。還。
細。擺。花。星。兀。自。多。妨。碍。想。着。俺。這。孤。辰。何。日。改。

傾盃序

換頭

天。涯。旅。病。身。且。自。挨。怕。景。物。供。愁。態。奈。幾。曲。江。流。幾。
重。煙。樹。幾。帶。雲。山。添。我。無。賴。在。憂。風。怨。雨。綠。愁。紅。慘。
夢。勞。魂。駭。怎。能。數。月。明。千。里。故。人。來。

玉芙蓉

西湖想鏡臺。驚嶺思看黛。看蘓堤沙軟好。印弓鞋綠
茸茸。蔓草疑羅帶。紅灼灼。天桃憶粉腮。當杯處。倩羈
懷。好開。又猛隨他風雨。上心來。

小桃紅

與越調異

應接到山陰側。蚤似有巫峯在。無端又渡曹娥界。錢
塘却望空煙靄。梁溪何處紆襟帶。急回頭。猶恐迷了
天台。

尾聲

看武夷歸蘭舟載無人知是荔枝來莫做楊妃病齒
猜。

按普天樂首曲南九宮譜原以拜月亭叫得我
氣全無一闕爲則而歷觀名作其格律大都不
能一一合法且向復名之曰四塊玉豈別有所
本而相沿乃爾耶然據其腔調頗爲合拍或亦
可以備新增一體云

嶺樵漫筆

○暮秋閨怨

已刻

梁少白

白練序

用尤侯韻

西風裏見點點昏鴉渡遠洲斜陽外景色不堪回首
寒暄設倚樓奈極目天涯無盡頭消魂久淒涼水國
敗荷衰柳

醉太平

換頭

羅袖琵琶半掩是當年夜泊月冷江州虛窗別館難
消受暮雲時候嬌羞腰圍寬褪不宜秋問青鏡爲誰
焦瘦海盟山呪都隨一江逝水東流

白練序

換頭

凝眸古渡頭雲帆暮收牽情處錯認幾人歸舟悠悠

事已休。總欲致音書。何處投空。追覓光陰似昔故人。
非舊。

醉太平

換頭

颼颼霜林鬪葉。更風簷驟馬。夜堂飛漏。白雲天遠。那
堪值雁南歸後。衾裯空餘蘭麝。伴薰篝。冷落了。竊香
韓壽。背燈獨守寒生兔窟。露凝鴛甃。

尾聲

在萼韶華逢九九。登臨怕惹無限愁。在開遍黃花不
上鉤。

○春閨 已刻

關九思

白練序 用尤侯韻

沉吟久。奈好事從來不自繇。芙蓉帳未煖。又還分手。
別後萬種愁。歎曉夢高唐。一旦休。添憔悴。梨花細雨。
燕子空樓。

醉太平 換頭

消瘦纖腰似柳。近日來絳裙羅帶頻收。道閒衾易冷。
人在小小雲兜。堪羞。淒淒孤影伴燈篝。倚窗下倦聽。
銀漏。這般時候。三更酒醒滿枕春愁。

白練序 換頭

綢繆兩配偶同歡共遊在花陰下渾如閨苑瀛洲無
繇願再酬恨飛絮飄香逐水流成拖逗釵分鳳折線
斷銀鈎

醉太平 換頭

悠悠青霄路有奈繡鞍歸晚山盟虛謬似分開雙壁
不能勾兩情依舊頻修銀箋錦字到皇州一字字淚
痕湮透甚時相守金杯滿酌豔曲低謳

尾聲

思沉沉如病酒。又值落紅時候。何日春歸十二樓。

○秋閨

已刻

陳石坡

白練序

用歌戈韻

相思檐。漸覺道秋來重。許多憔悴。解語一枝花。朶重山壓翠蛾。千萬結愁腸。無奈何。偏難過。黃昏細雨。綠窗深鎖。

醉太平

換頭

追慕丰姿俊雅。在奴行未敢醉。酒高歌。燈前枕畔。幾回把花月消磨。灾魔。平空駕帳起風波。比目魚雙雙。

分破忽驚秋。暮魂斷空階。敗葉殘荷。

白練序

換頭

香雲散一窩。臨鸞懶梳。思君恨堆積。起塞海填河。光陰暗裏過。霜落梧桐冷。鳳窠今宵個。玉釵敲斷。有誰知我。

醉太平

換頭

娑娑簾虛桂影見。水簾輕碾碧天秋。破清光到處。不知他那里。如何嗟哦。淒涼最。是月中娥。也得照客窗人臥。紅綃淚。林桃花萬點。玉珠千顆。

尾聲

對青燈。呆呆坐。煙冷金爐。獸火愁聽寒蛩聲絮語。

○離情 未刻

沈子勺

白練序

用尤侯韻

殘月冷漸一帶清輝下。小樓金風剪陡覺露凝雙袖。
寒岫供遠愁見銀漢參橫雲半浮。飛清漏隔林曉鏡
對籠纖柳。

醉太平

棋頭

倻倻相思一點蚤離愁幾許撮上心頭。花殘酒剩輕

發付舊日風流。悠悠知他何日。債緣勾。且生受一場
消瘦。望天還佑發來的願兒。怎肯輕丟。

尾聲

嘆從來多掣肘。冤家到底常聚頭。方信恩情險處久。
按白練序首曲。起句應用四字。自窺青眼一曲。
盛行。作者遂爾相習。無復遵諧矣。可爲三嘆。

○四時閨怨

已刻

劉東生

刷子帶芙蓉

用家麻韻

刷子序

雲雨阻巫峽。傷情斷腸人。在天涯。奈錦字無

憑虛度往，苒韶華、嗟呀春晝永。朱屏低亞，東風靜、湘簾閒掛。
玉芙蓉 黛眉懶畫，顰宮鵲、鬢邊斜插小桃花。

山漁燈犯

或作虞美人犯誤

燕將雛、逢初夏。夢斷華胥，風弄簷馬。閉局了、刺繡窗紗。香消寶鴨，那人在何處、貪歡耍。空辜負、沉李浮瓜。
寂寞厭池塘，開蛙庭院日長偏憐我。枕簟上、夜涼不見他多嬌。蛇愛風流俊雅。
玉芙蓉 倚欄干、猛思容貌勝荷花。

普天帶芙蓉

〔普天樂〕

景淒涼人瀟灑。何日把雙鸞跨。怨薄情空寄
魚箋相思句。盡續琵琶。彈粉淚。滿香羅帕。暗數歸期
在斜陽下。動離情征雁呀呀。無奈心事轉加。
〔玉芙蓉〕
對西風病容憔悴似黃花。

朱奴插芙蓉

〔朱奴兒〕

漸迤邐寒侵繡榻。蚤頃刻雪迷了鴛瓦。自恨
今生分緣寡。紅爐畔共誰閒話。話訖啼罷。托香腮悶加。
〔玉芙蓉〕
膽瓶中懶添雪水。浸梅花。

尾聲

重相見。兩意佳。憶昔傳杯弄竿。斷送了年時四季花。

○酬魏郡穆仲裕內史

未刻

王伯良

刷子帶芙蓉

用先天韻

刷子序

白眼看青天。悠悠更誰同。調相憐。嘆流水高。

山空斷幾。登危弦金鞭。趁紫馬黃河一線。覓燕市紅。

雲半面。

王芙蓉

狗屠不見。奠翩翩酒人。只有穆生賢。

雁過聲

換頭

西園好。風似剪。初調笑紅牙。錦箋當場肝膽投。一片。度新聲。夜忘眠。儘輸他燈下花前。杯傳不放淺春朝。

秋夕成留戀。何處他鄉路幾千。

傾杯序

換頭

難言別青門。倍黯然。看日近長安遠。誰在江東。誰居渭北。一縷春蠶。兩處絲牽。苦書沉雲。雁信疎驛。使五年似燃。幾番家夢。魂中斷。月明邊。

玉芙蓉

你回車。又入燕。我鼓棹重逢阮。喜今宵浮萍兩葉。仍圓。綈袍不負青霜院。彩筆還騎淶水篇。多歡忒狂來。似顛。那問他酒卮狼籍。濕紅瓊。

小桃紅

與趙調興

想光陰如飛電。悵聚散真蓬轉。尊前莫怪頻勸黃
塵海水須臾變。茫茫後會。鶯和燕。恁高歌一笑當筵。

一斛棹

紅兒唱粉頰有餘妍。青童舞羅袖。倍踰躑躅簷。雪色宛
轉照金鈿。盆梅馥旖旎。散朱軒。提如意。憑將兩眉展。
重剪燭。握手話姻緣。

尾聲

玉爐香銅壺箭。此際謾消遣。絳綵聽取新聲字字妍。

○擬閨怨 未刻

張旭初

刷子帶芙蓉 用歌戈韻

〔刷子序〕

紅粉命常薄。笙臺人去聲斷。誰和雙魚無覓。

難將幽恨傳他。蹉跎香篆。冷空餘繡幕。眉峯鎖。羞添

翠螺。

〔玉芙蓉〕

愁無那。傷心事。多任雲鬟零落。苦兒姪

錦芙蓉

〔錦纏道〕

枉存活。苦耽承。愁緣病魔。魂夢遶關河。怪連

宵。依稀枕上摩挲。道別後東西飄泊。何曾把恩情放

過。

〔玉芙蓉〕

珠彈顆。青衫証佐。恨鶯聲驚拆鳳凰窩。

普天帶芙蓉

〔普天帶〕

鏡中華心頭火到惹得枯腸餓悔前春容易
拋離到如今恩愛隨波〔玉芙蓉〕成耽閣砂鍋打破端
的是妬花蜂蝶暗搬唆

朱奴插芙蓉

〔朱奴兒〕

載花船憑誰把舵斷絃琴隨他結果今生冤
債前生作空到處求神拜佛〔玉芙蓉〕鞋尖破多因恨
磨幾番兒向蒼苔跌足濕淩波

尾聲

花事闌。春將暮。怕炎威薰蒸難過。況復秋冬。怎奈何。

○歲時傷逝

已刻

梁少白

破齊陣引

用齊微韻

破陣子

帳掩香消人去。房空珮冷魂歸。

齊天樂

桃李

春風梧桐秋雨。又是經年隔歲。

破陣子尾

忽憶綢繆

生前阻。夢見依稀。覺後疑。人間長別離。

刷子序

端陽

蒲酒啓瑤席。雕梁燕兒依舊雙棲。奈物是人非。一旦雲鎖空閨。堪悲香艾。裊鬟釵已委。蘭湯膩臂。絲曾繫。

夜涼時倚醉窗西。半闌殘月曉鶯啼。

普天帶芙蓉 七夕

晉天樂
鵲橋橫。雙星會。玉露潤金風。細美誰家乞巧。
樓頭笑聲喧。玉倚香偎。恨獨折鴛鴦對。目斷盈盈銀
河水。如牛郎織女。夫妻在天長團圓到底。玉芙蓉尾
笑人間爲何途。路便拋離。

尾犯序 中秋 中呂

長空一鏡輝。萬里全無一點纖翳。此夜當年記雙凭。
玉肌徙倚空追念。香鬟霧鎖空追念。方鞋露綬。嫦娥

寡蟾宮獨守天遠信音稀。

錦纏道 重九

雁來期正秋風寒雲亂飛把酒對斜暉問芳卿爲甚
的便惹損蘭摧想蕭關黃葉盡起念漢殿紫萸誰佩
歲月轉淒其奈餘枕剩初寒未授衣辜負登高節對
黃花羞插滿頭歸。

傾杯序 長至 一名汲鯨尾

時移日漸長轉候灰又節值書雲歲推幾度寒砧幾
聲殘角幾箇孤鴻別館的滋味慘年華過眼暑來寒

往。一。生。無。幾。線。空。添。要。見。伊。還。共。日。俱。遲。

玉芙蓉 除夕

空。傾。栢。葉。杯。枉。泛。椒。花。葢。總。迎。新。愁。看。斗。柄。春。回。誰。
憐。今。歲。今。宵。盡。又。早。明。年。明。日。催。消。長。夜。撥。寒。鑪。灰。
灰。這。傷。心。只。有。歲。寒。知。

小桃紅 元宵 與越調異

燈。影。下。人。叢。裏。火。蛾。轉。笙。歌。沸。家。家。盡。簇。神。仙。隊。花。
容。誰。似。娘。行。比。歸。來。空。倚。書。幃。立。寒。窗。底。獨。展。畫。裏。
崔。徽。

推拍 上巳 大石

記。放。除。流。觴。水。湄。記。游。衍。踏。青。翠。堤。記。郊。原。路。連。挈。
榼。提。壺。處。處。徘徊。香。輦。雕。鞍。步。步。追。隨。今。安。在。海。角。
天。涯。魂。欲。斷。日。平。西。

一撮棹 清明

人。何。處。墓。上。草。新。齊。悲。風。起。棠。梨。上。紙。錢。飛。孤。墳。小。
殘。月。冷。走。狐。狸。青。衫。淚。盡。是。杜。鵑。啼。痛。殺。青。松。底。又。
添。一。新。鬼。天。地。永。日。夕。想。魂。兮。無。煞。

刷子序首句。應用四字。前各曲疑犯別調。未詳。

○春怨 已刻

陳秋碧

錦庭樂

用廉纖韻

錦纏道

被兒餘枕兒單。春寒較添。夜雨響空簷。曉來

呵殘紅滿簾。

滿庭芳

更那看掩重門。對鶯花。鬼病慙

慙。這病危如燈焰。這恨深如天塹。

晉天樂

病和愁兩

厮兼。病當心坎。愁在眉尖。

前腔

錦鱗稀塞鴻遙。書沉信淹。江樹眼空。膽怯梳粧。塵緘
寶奩。○常則是倚闌干。數歸程。屈損春纖。霧帳雲屏

虛占海誓山盟無驗。○線和針懶去拈。靈犀一點無
計拘鉗。

前腔

憶王孫乍交歡情投意。○快永遠効鸛鵲自離家。新生
棄嫌。○料應他在天涯。被秦樓歌管相漸。金粉花容
嬌艷。血色羅裙紅茜。○美甘甘笑語甜。未知將我唇
上曾貼。

前腔

影伶仃。蒼苔鰕綃淚黏。無語對銀蟾。映孤燈。蕭蕭

短簷。○幾回價寄佳音怕人知躲躲潛潛。○是則是前
生少欠。○苦則苦終常作念。○把恩情做了水底鹽。○羊
腸龜卦今後休占。

尾聲

合浦珠。○豐城劍。○願配合莫教拋閃。○看玉簿姻緣許再
會。

○擬冬閨怨

已刻

史叔考

傾杯賞芙蓉

用家麻韻

傾杯序

隔牆新月上梅花。○綉閣吹燈罷。○暮忽地冷了

瑤琴撇下箜篌倚了薰籠放了琵琶。

玉芙蓉

那些箇

春宵一刻千金價。畢竟夜靜三更萬事差。人牽掛。控心猿意馬。這浮雲遊子。何日別京華。

玉芙蓉

相思夢見他。夢裏多歡耍。醒來時。依然人在天涯。駕鵲對對成虛話。做蝴蝶紛紛過別家。奴生怕怕那金鷄和鐵馬。悄不覺催雲送雨到窗紗。

普天樂犯

新增體

普天樂

聽更籌頻頻下。淚滴滿。敲綃帕。料多情。別有

嬌娃把我認做冤家。○當初來嫁星辰應犯孤和寡。
使今朝錦帳文鴛做了路柳墻花。

朱奴帶錦纏

朱奴兒

鎮日裏秋聲作啞。捱一刻勝如一夏。問張郎

何日眉重畫。玉簪兒打得酸牙。

錦纏道

覷腰瘦不堪。

把饑時不飯。渴時不用茶。弄得人憔悴。一迴煩惱一迴嗟。

尾聲

海山盟。丟開罷。枉自去燒龜叩瓦。把美滿恩情飲了。

浪涼沙。

○寄中都趙姬

未刻

王伯良

傾杯賞芙蓉

用車遮韻

傾杯序

一徑春風轉狹斜。滿地茶蘼雪。愛殺他門掩。

青桐人在紅樓。到處焚香直。恁清絕。

玉芙蓉

盈盈惜

臉花雙靨。娟娟柔軀柳。一捻紗窗夜。記銀燈未滅。掛

一幅美人圖。畫半簾月。

雁過聲

換頭

裙摺猩紅乍。湮。邀人褪榴花。幾葉枕邊絮。語脂香烈。

儘憑他漏聲接軟。述離玉。襯花貼。嬌怯。偎粉頰。幾郎
肯惜靈犀洩。好處迴身劣。處嚙。

普天樂

乍相逢。芳心熱。便相憐。柔腸結。常消。受雨。擁雲。遮一
時間。將鶯燕。攔截。經年短。缺。自看花來爲你費。盡周
折。

朱奴兒

急分手。青衫哽咽。頻作念錦字。重疊。寄得香囊餘淚。
血一點。點將幽情描寫。殷勤說。休辭跋。步。難道便心。

如鐵。

小桃紅

與越調異

轉眼處春光謝。屈指又朱明也。消魂最是秋風冽。牽
情窗外。驚飛雪。看來都是冤和孽。悔當初輕散輕別。

尾聲

到如今成吳越。做不得抱花蝴蝶。先寄烏絲一紙斷
腸帖。

正宮一調。昔人以惆悵雄壯爲的。蓋取其有悲
歌激烈之氣也。固詞不難於叫囂。而難於得體。

不難於縱放。而難於就繩。是選諸作。可爲各極其致。本宮南詞之法程。或者其在斯歟。騷隱識

大石調

○閨思

刻依原稿

王西樓

念奴嬌序

用江陽韻

麗譙落月。正野烏城上啼。殘萬瓦。明霜畫角聲中。嗚咽處。吹徹老梅爭放。悵太瀨宸遊。乍臨青闕。土牛簫鼓。天街景物。果堪賞。人爭攘。紛紛綵仗。簇擁勾芒。

尾犯序

中呂換頭

成行仕女簡春忙。巧剪春幡彩燕雙雙。試舞翩翩開
釵頭鳳凰。惆悵偏我。慮天涯人遠。偏我慮山高水長。
又慮他心兒放。萍踪梗跡。兀自殢他鄉。

錦纏道

以下俱正宮

迅時光。蚤花朝催開衆芳。紅紫闌春粧最無情。灞陵
岸上柳絲千丈。留得住離人征鞅。留不住離人去。腸
落得意。傍徨夢飛度楚陽臺上。雲山嘆渺茫。生受處
鄰雞忽唱。錯教神女惱襄王。

傾杯序

淒涼從君去。冷綉房。寂寞了。梅花帳。想揮淚。陽關分。
袂。河橋約在端陽。准擬還鄉。眼睜睜教我窮冬捱盡。
又過青陽。天便教人霎時相見。又何妨。

玉芙蓉

風和蝶戀香。水暖魚翻浪。正園林開到茶蘼。海棠乍
晴。乍雨。花容老。輕暖輕寒。愁味長。相思恨。牽纏怎當。
總朱顏消瘦。不比舊時龐。

小桃紅

註前

歡娛事皆已往。淒涼事總親嘗。雲迷楚峽空餘嶂。彩

驚飛去臺虛殿。秦樓更沒簫吹響。每日的教我怨恨。
裴航

尾聲

歸來有日同鴛帳。還問他別來無恙。只怕他做了天
涯浪蕩。

○麗情 宋刻

王伯良

賽觀音 用真文韻

怕着羞添着恨。看點點羅衫淚痕。只落得燈前偷搵。
這段相思誰道假和真。

前腔

我口兒推心兒肯悔那日停針閉門空惹個蝶驚蜂
褪嬌軟肝腸做了硬心人

人月圓

他去後風雨無憑準縱有青鸞難傳信隔花陰真是
天涯近贏得箇懨懨成病損纔知道眼前人更有誰
爲溫存

前腔

連日來打疊胭和粉便取次推殘一葉身天公折罰

甘心認這對面惺惺背面親。衷腸事待告訴青天君。
不知聞。

尾聲

設說有情魂夢堪尋趁。且捱他幾箇惡黃昏。辨取和
葉和根總付君。

大石名詞絕少。卽一二傳世之作。按其句調。強
半未稱入聲。寥寥碩果足當一斑。而謂其盡風
流蘊藉之旨。則吾豈敢。所錄麗譙落月一套。坊
刻多訛。今得停雲館袖珍樂府舊刻。參之似屬。

吳騷合編

大不計卷一

本來面目。遂爲釐正。其同雲萬里等詞。因其命題皆屬咏物。與是選意不相合。容俟別刻。以快

大觀。嶺樵隨筆

白雪齋選訂樂府吳騷合編卷之一

終